

四庫全書

集部

欽定四庫全書

詞律卷十四

宜興萬樹撰

如魚水

九十三字

柳永

輕雷浮空亂峰倒影潑艷十里銀塘繞岸垂楊紅樓朱

閣相望菱荷雙雙戲鵝鵝鴛鴦乍雨過蘭芷汀洲望

中依約似瀟湘風淡淡水茫茫動一片晴光畫舫相

將盈盈紅粉清商紫薇郎修禊飲且樂仙鄉便歸去徧

歷驛坡鳳治此景也難忘

抑詞僻調難得如此嚴整者愚謂中字恐是裏字
乍雨過下當作蘭芷汀洲望裏為一句依約似瀟湘
為一句正與後結二句相符蓋此調前段繞岸下後
段畫舫下字句無不合轍蘭芷句必係六字耳或曰
人方以君為穿鑿似此詞頗順妥即如其舊亦無
不可若執此說則穿鑿之毀更不免矣相與一笑

梅子黃時雨

九十四字

張炎

流水孤村愛塵事頓消來訪深隱向醉裏誰扶滿身花

景鷗鷺驚看相比瘦近來不是傷春病嗟流景竹外野

橋猶繫烟艇誰引斜川歸興便啼鵲縱少無奈時聽

待棹擊空明句魚波十頃彈斷琵琶留不住句最愁人是黃

昏近江風緊叶一行柳絲吹暝叶

鷗鷺句多刻鷗鷺相看如瘦詞綜亦相仍錄之但於如字下註云一作驚相比余考此調前後只頭尾稍變自來訪下俱係相同鷗鷺句正與後段彈斷句合斷宜七字若作如瘦語甚晦或作鷗鷺驚相比瘦亦少一字觀玉田自註題下曰病中懷歸蓋其意謂病而消瘦竟與鷗鷺同故鷗鷺見之訝其瘦甚與已相比故曰鷗鷺驚看相比瘦也或去相比字或去看字則意難解而調亦失矣頓字訪字野字繫字奈字用仄方是此詞聲響若依圖譜亂註可平可仄每句雖覺順便奈不是梅子黃時雨何醉裏外野縱少之去上比瘦之上去皆妙甚可法

尾犯 九十四字

吳文英

翠被落紅粧句流水膩香猶共吳越韻十載江楓冷霜波成

纈燈院靚涼花句下剪句桂園深幽香旋折醉雲吹散晚樹句

細蟬時替離歌咽句長亭曾送客偷賦錦雁留別淚接句

孤城渺平蕪烟濶半菱鏡青門重售採香堤秋蘭共結句

故人顚顚遠夢越來溪畔月句

賦字兩箇共字下字旋字雁字俱去聲各家皆然此係用字要緊處勿為譜註所誤若細字離字則平仄可通用也下剪去上晚樹錦雁上去俱妙夢窗別作及竹山者鄉等皆同送字半字故字亦須去聲遠夢

句夢窗別作滿地桂陰無
人惜與此異說詳後註

又一體

九十五字
又名碧芙蓉

蔣捷

夜倚讀書牀句敲碎唾壺燈句暈明滅調多事西風把齊鈴頻

掣叶人共語溫溫芋火雁孤飛蕭蕭檢雪偏開干外萬頃

魚天未了予愁絕叶雞邊長劍舞念不到此樣豪傑叶瘦

骨稜稜但淒其衾鐵叶是非夢無痕堪記似雙瞳豆續紛翠

纈叶浩然心在我逢著梅花便說叶

念不到比前多一字尾句
用上三下四與他家不同

又一體 九十五字

柳永

夜雨滴空堦句孤館夢回情緒蕭索韻一片閒愁想丹青難

貌秋漸老蛩聲正苦夜將闌燈花漸落叶最無端處忍把

良宵只恁孤眠却叶佳人應怪我自別後寡信輕諾叶記

得當時剪香雲為約叶甚時向幽閨深處按新詞流霞共

酌叶再同歡笑肯把金玉珍珠博叶

按此詞舊草堂所收而樂章片玉詞皆載之然玩其語句則為柳作無疑但柳集止作別後寡信輕諾少一自字此字雖可有可無而有之為妥詞字汲古柳集誤刻調字不可錯認於此字用去聲也尾句較前

兩詞又各異愚謂依吳詞遠夢句蔣詞我逢著句順而易填然此肯把句與夢窗別作滿地桂陰句相合必有定格從之為是故雖同是九十五字特具列於此以備參考蓋作譜欲使人明白易曉若選聲萌蘆嘯餘而刪其各體惟畧註題下欲取簡省謂小冊便攜未免晦而難考耳至譜圖註肯把金三字可作平平仄不知出於何典此亦亂註中之最無理者而夢漸後共等去聲字皆云可平亦誤甚貌字正韻在入聲六藥韻讀若莫音乃描畫人物荀子貌而不切楊妃傳命工貌妃子別殿韓詩不得畫師來貌取杜詩屢貌尋常行路人皆謂寫人容貌也嘯餘註叶未詳疑從卜各反一作邈非沈天羽云貌字於義合邈字於韻合詞韻貌字作轉韻亦通觀此等註皆因未識貌字入聲故紛紛如此可歎哉

又一體 九十八字

柳永

晴烟

韻

霽霽漸東郊芳草

句

染成輕碧

句

野塘風暖遊魚動觸

冰嘶微坼

叶

幾行斷

句

雁旋次第歸

豆

霜磧詠新詩

豆

手撚江梅

句

故人贈我春色

叶

似此光陰催逼

叶

念浮生不滿百

句

雖照

人軒冕

句

潤屋金珠

句

於身何益

叶

一種勞心

叶

力圖利祿

豆

殆非

長策除是

豆

恁點檢

句

笙歌訪尋

句

羅綺消得

叶

首句四字起韻刻本誤羃作幕便不是韻矣勞字刻

方亦誤或謂野塘句應於動字分斷則下句五字便

合前調想丹青句法余謂此本兩體不可彊同及讀

後是詞深溪池底句益信余言非妄又或謂此十二

字宜作兩六字

讀未審然否

又一體 九十九字

晁補之

廬山小隱韻漸年來疎懶句浸濃歸興叶綵橋飛過深溪池底句

奔雷餘韻香爐照日望處與青霄近想羣仙呼我應還句

怪曉來鬢絲垂鏡叶海上雲車回轍少姑傳金母信森叶

翠裾瓊佩落日初霞紛紜相映誰見湖中景花洞裏杳叶

然漁艇別是箇瀟灑乾坤世情塵土休問叶

怪曉來句比前詞多一字但柳作前後兩結上七下六相同此作後結與柳合其前結多一字恐誤耳鬢絲亦應作絲鬢乃與後尾及柳同琴趣刻本鬢字訛鬢故知此句必有誤處今不敢輒謂與前一體同故

另收於此作者自
照柳填之足矣

雪梅香 九十四字

柳永

景蕭索危樓獨立面晴空動悲秋情緒當時宋玉應同

漁市孤烟裊寒碧水村殘葉舞愁紅楚天濶浪浸斜陽

千里溶溶臨風想佳麗別後愁顏鎮斂眉峰可惜當

年頓乖雨跡雲蹤雅態妍姿正歡洽落花流水忽西東

無慘恨相思意盡分付征鴻

當時下與後頓乖下同此調惟耆卿有之他無可考
其平仄自應守之乃譜於第一景字便註可平奇矣

漁市句與雅態句只第一字平仄可通用餘乃鐵板
定格必如此方成為雪梅香調也譜乃於下五字云
可作仄平平仄仄蓋欲與下句相對作七言詩一聯
後之起便者悉從之矣豈非作俑者之過乎或謂風
字非叶然過變處於第二字
儼然用韻不敢謂其偶合也

金浮圖

九十四字

尹鶚

繁華地王孫富貴玳瑁筵開下朝無事壓紅裙鳳舞黃

金翅玉立纖腰一片揭天歌吹滿目綺羅珠翠和風淡

蕩偷散沈檀氣堪判醉韶光正媚折盡牡丹艷迷人

意金張許史應難比貪戀歡娛不覺金烏墜還惜會難

別易金船更勸^叶勒住花驄^叶

^{作平}

前後整對後段不應偏少乃金張上落去一便字金鳥下落去一西字作者竟與前段同填可也判字宜

作擦

平聲

一枝春 ^{九十四字}

周密

淡碧春姿柳眠醒^叶似怯朝來疎雨芳塵乍數^叶喚起探花

^{可平}

情緒東風尚淺^叶甚先有翠嬌紅嫵應自把羅綺圍春占^叶

得畫屏春聚^叶留連繡叢深處^叶愛歌雲裊裊低隨香縷^叶

瓊牕夜暖試與細評新譜^叶妝眉媚粉料無奈弄顰^叶佯妬^叶

還只怕簾外籠鸚笑人醉語

草窗此調二首音節俱同但應自把作空自傷愚調把字即同後怕字傷字平聲或誤觀其後段用深院悄悄字用仄無異也料無奈作曾記是愚謂此三字即同前甚先有或係記曾是誤倒觀其前段用倩誰畫無異也草窗為顧曲周郎其所用乍數喚起尚剪夜暖試與媚粉等去上字俱宜恪遵至於尾句笑人醉語別作云倩鶯寄語皆是去平去上尤不可差圖譜載楊守齋一首與此詞用字平仄全同可愛而羅綺園春本作歌字清圖誤刻歌清字圓得字用誇字或不拘乃將醒朝芳東留連瓊新粧眉無還簾等字俱註可仄似乍喚尚甚翠目把與自等字俱註可平絕妙好辭可惜都遭改壞作者費盡拈髭走甕一片苦心讀者全然不知無怪浪仙有歸卧故山之痛也

白雪

九十四字

楊无咎

蟾收雨脚雲乍斂叶依舊又滿長空紋蠟焰低薰爐燼冷叶

寒衾擁盡重重隔簾櫳聽撩亂撲渡春蟲曉來見玉樓

朱殿恍若在蟾宮叶長愛越水泛舟藍闕立馬畫圖中叶

悵望幾多詩無句可形容誰與問已經三白或是報年

豐未應真箇情多老却天公叶亦作掃除陰翳叶

誰與問下三句似前結語立馬下似有脫落
大抵此詞有誤刻處試據愚意移補錄後

蟾收雨脚雲乍斂依舊又滿長空紋蠟焰低薰爐燼
冷寒衾擁盡重重隔簾櫳聽撩亂撲渡春蟲曉來見

玉樓朱殿恍若在蟾宮未應真箇情多老却天公
長愛越水泛舟藍闌立馬幾多悵望口口畫圖中無
詩句口可形容誰與問已經三白或是報年豐掃除
陰翳惟祈紅日生東

以未應二句補前尾以掃除二句改後尾長愛處為
換頭玩越水泛舟句泛字去聲確與紋蠟焰低相合
只換頭字太少
或更有脫落耳

天香

九十四字

王充

霜瓦鴛鴦風簾翡翠今年又是寒早矮釘明牕側開朱

戶斷莫亂教人到重陰未解雲共雪商量不少青帳垂

氈要密縫放圍宜小呵梅弄粧試巧繡羅衣瑞雲芝

草伴我語同語笑時同笑已被金樽勸酒又唱箇新詞

故相惱盡道窮冬元來恁好

草堂舊載如此舊譜分句如此余閱他家詞皆九十六字者因疑此前結青氈二句各家皆六字兩句且多為對偶語此必以放園宜小對上垂氈要密而縫字乃係脫誤但思其字不得及觀沈天羽所駁謂密字下是紅窗二字乃紅字誤作縫而窗字誤缺耳初亦謂然沈又云窗字犯上明窗宜改因思作者必不連用兩窗而上之明窗非訛字沈所云紅窗未必確也又伴我以下各家俱十字沈謂當作語時同語而缺一字余又信之乃今查校各集始得其說方知舊譜之非誤而沈為臆說耳蓋毛澤民詞本有此體其前結云對罷宵分又金蓮燭引歸院句法亦上四下七是此結所云縫密而圍小者即是青氈一物而密

字作平讀耳其伴我下九字毛云碧瓦千家借袴襦
餘煖亦是九字是與草堂舊載者正同九十四字余
因與然信有此體而譜註為非謬也本譜於嘯餘駁
正最多此調又幾因沈氏謬為論定故詳識於此以
表愚意之公云陰字向
訛冷字或作寒字亦誤

又一體 九十六字

唐藝孫

螺甲磨星犀株搗月麤英嫩壓拖水海蜃樓高仙娥鈿

小縹緲結成心字麝媒候煖載一朶輕雲未起銀葉初

生薄暈金猊旋翻纖指芳盃惱人漸醉碾微馨鳳團

閒試滿架舞紅都換嬾收珠珮幾片菱花鏡裏更摘索

雙鬟伴秋睡早是新涼重薰翠被

此則前結六字滿架以下十字者芳盃句草窗作素被瓊篝夜悄乃是偶誤不可從壓字亦有用平者亦不如用仄為是裏字可不叶韻篇中諸去聲字凡名家皆同俱宜細玩譜於搗嫩壓結候漸碾鳳滿鏡更摘早翠等字俱註可平螺髻芳盃間菱重等字俱註可仄謬甚而將伴秋睡註可用平仄尤可怪從未見此三字用平仄仄之天香也又景覃有二闋前結俱作四字三句如云宿雨新晴隴頭間看露桑風麥又云紙帳練衾日高睡起懶梳蓬鬢此又是一體因其餘皆同且作者多從唐體故不錄其餘滿架下十字有用上四下六此則語氣本係一貫不必拘也又譜圖載劉方叔漢漢紅臯一首自草堂舊刻皆於後段第二句作不許蝶親蜂近然查從來作家此句皆七字無六字者此必係脫落一字故本譜不收

九十五字格沈氏
刻不許上加金字

玉漏遲 九十四字

元好問

浙江歸路杳韻西南却羨投林高鳥叶升斗微官叶世累苦相

縈繞叶不似麒麟殿裏又不與巢由同調叶時自笑虛名負可平

我半生吟嘯叶擾擾馬足車塵被歲月無情暗消年少叶

鐘鼎山林句一事幾時曾叶了四壁秋蟲夜雨更一點殘燈可平

斜照清鏡曉叶白髮又添多少叶

作平作平

投林至自笑與後暗消至鏡曉同杳字可不起韻宋
子京吳夢窗皆有之然不必起韻為正查竹山一首

於更一點處少一更字此句宜同前段又不與句乃
誤落一字也又草窗一首西南却羨句作錦鯨去三
字亦誤落一字也又歸愚於被歲月句止有四字殘
燈斜照止有三字亦誤落二字也故本譜不收九十
三字格又書舟於升斗下十字作忍對危欄數曲暮
雲千疊是上六下四然可不拘後尾白髮二字乃以
入作平觀子京用東風夢窗用瑤臺黃昏歸愚用何
入竹山用盈盈皆兩平聲竹山又一首用鶴立二入
聲正與白髮二字同此二字用平其下一字必仄如
白髮之下必用又字也書舟用不耐飛來蝴蝶耐不
飛平乃誤筆不可從後起掇字非叶不可
誤認 沈選有於虛名上多一字者非

六么令

九十四字 或作綠腰
錄要 又名樂世

李琳

淡烟疎雨香逕啼鳩新晴畫簾閒卷燕外寒猶力依

可平

可仄

可平

可仄

可平

可仄

可仄

約天涯芳草句染得春風碧叶人間陳迹叶斜陽今古句幾縷遊

絲趁飛蜨可仄

誰向尊前起舞可仄

又覺春如客可平翠袖折取薦作平

紅笑與簪華髮叶回首青山一點可仄簷外寒雲疊叶梨花搖葉叶

柳花飛絮夢繞闌干滿園雪叶

燕外下與後笑與下同涉寒二字片玉俱用平亦有
俱用仄者不拘起字滿字則必用仄耳柳詞前結刻
作夢裏欲歸歸不得誤歸不得恐是怎歸得也此
篇絕妙好辭惜於梨花下用著雨二字忘却叶韻愚
僭改如右非敢妄易前賢之句因欲以為程式
必用韻為佳又愛其詞故不取他作而錄之

四犯剪梅花

九十四字

劉過

水殿風涼賜環歸句正是夢熊華旦韻疊雪羅輕稱雲

章題扇醉蓬西清侍宴望黃傘韻日華寵輦雪獅金卷三

王玉堂可平四世帝恩偏眷醉蓬臨安記龍飛鳳舞信神

明有後竹梧陰滿解連笑折花看橐荷香紅潤醉蓬功

名歲晚帶河與礪山長遠雪獅麟脯杯行可平狻猊坐穩內

家宣可平勸醉蓬

此調為改之所創採各曲句合成前後各四段故曰
四犯柳詞醉蓬菜屬林鍾商調或解連環雪獅兒亦
是同調也剪梅花三字想亦以剪取之義而名之但
前段起句與解連環本調全不相似殊不可解後段

起句比解連環多一記字此係誤傳宜去之此篇雖是集成仍分前後段汲古所刻龍洲詞乃欲連刻之又因舊刻分段處空白疑有落字遂於分處多加一誤矣寵字應是龍字薦字應是鷲字此二處俱宜平聲索字疑亦有誤或用荷囊故事恐是笑折花香看荷囊紅潤或云紫荷囊荷字去聲與前雲章雲字不合不知醉蓬萊此字原平仄可以通用也潤章借叶非失韻又按玲瓏四犯史邦卿起處云雨入愁邊翠樹晚無人風染如剪與此詞起句相似恐史之四犯亦即與此同

留客住

九十四字

周邦彥

嗟烏兔韻正茫茫豆相催無定句只恁東生西沒句半均寒暑叶昨見花紅柳綠句處處林茂句又覩霜前籬畔句菊散餘香看看

又還秋暮叶 忍思處念古往賢愚終歸何處爭似高堂叶

日夜笙歌齊舉叶 選甚連宵徹晝再三留住待擬沈醉扶

上馬叶 怎生向主人未肯交去叶

字有脫落姑仍舊錄之 愚謂沒字音暮綠字音慮 皆用北音為叶不然前段用韻太稀恐無此詞體也

又一體 九十七字

柳永

偶登眺韻 恁小樓豆 艷陽時節句 乍晴天氣是處間花野草遙叶

山萬疊雲散漲海千里潮平波浩渺叶 烟村院落是誰家豆

綠樹數聲啼鳥叶 旅情悄叶 遠信沈沈離魂杳杳叶 對景傷

懷度日無言誰表惆悵舊歡何處後約難憑看看春又

老盈盈淚眼望仙鄉隱隱斷霞殘照

此亦有差落處但比前詞稍全旅情悄係後段起句
舊刻屬前結尾今照周詞改正度日句可擬是處句
遙山至浩渺十五字宜同惆悵至又老十五字今觀
後段不差此必前段訛錯愚謂里字應作重字而顛
倒之云雲散遙山萬疊漲海千重潮平波浩
渺則可與後相符烟村以下則前後原同矣

玉女迎春慢

九十五字

彭元遜

纔入新年逢人日拂拂淡烟無雨藥底妖禽自語小啄

幽香還吐東風辛苦便怕有踏青人誤清明寒食消得

渡江黃翠千縷

看臨小帖宜春填輕暈溼碧花生霧

為說釵頭裊裊繫著輕盈不住問郎留否似昨夜教成

鸚鵡走馬章臺憶得畫眉歸去

葉底至人誤與後段為說至鸚鵡同填輕句似宜同

逢人日句恐填字有誤否則輕字下落一字耳圖譜

以填輕暈溼為一句填輕二字難解余不敢從語字

似乎用韻故圖譜註叶然觀後段裊字非韻因知語

字乃偶

合也

方千里

野亭話別恨露草芊綿曉風酸楚怨絲恨縷正楊花碎

九十五字

又名

方千里

玉滿城雪舞耿耿無言暗灑闌干淚雨片帆去縱百種

作半

作半

避愁愁早知處離思都幾許但漸慣征塵斗迷歸路

句

叶

去聲

叶

句

叶

亂山似俎更重江浪森易沈書素瞪目銷魂自覺孤吟

叶

句

叶

句

調苦小留佇隔前村數聲簫鼓

叶

叶

豆

叶

恨露草至帆去與後但漸慣至留佇同千里和周一
字不異或謂太拘不知有不可假借處也如此詞只
種字夢窗兩首用陰字湖字其餘皆同歷查清真西
麓夢窗五首碧山四首玉田二首邵清溪張半湖如
出一轍其中恨縷淚雨似俎浪森調苦諸去上字并
諸仄字俱是定例譜圖亂註話恨露曉怨恨正碎滿
耿暗淚片怨思但漸斗亂似更易瞪目調小隔俱調
可平而楊離歸前數字必須用平者則反註可仄豈

非深恨。掃花遊之。調必欲盡壞之。而後快邪。吾不知捨宋元諸公。外別何可宗。既欲如此。則作譜者何不自我作古。悉載自度之腔。而猶勉彊襲古人之調名。列古人之詞句邪。按第一野字。碧山用商字。係偶

筆。不必從玉田一首。野字用烟。避字用荒。思字用天。玉田於此中。最精深。必不如此。皆誤刻也。圖譜既收。掃地花。又收掃花遊。其註亦差。至縷字。俎字。二句不註叶韻。意欲將後之作。者皆勒令失韻。可謂忍矣。

水調歌頭

九十五字
南好白石名花犯念奴

蘇軾

明月幾時有。把酒問青天。不知天上宮闕。今夕是何年。

我欲乘風歸去。又恐瓊樓玉宇。高處不勝寒。起舞弄清

影。何似在人間。

轉朱閣。低綺戶。照無眠。不應有恨。何

事常向別時叶圓人有悲歡離合句月有陰晴圓缺叶此事古

可平可仄

可仄

可仄

可仄

可平

可仄

可平

難全但願人長久千里共嬋娟叶

可平

可仄

可仄

可平

幾時有弄清影用仄平仄絕妙人長久之人字若亦用仄聲尤妙後人多用平平仄全不起調矣不知至何年十一字語氣一貫有於四字一頓者有於六字一頓者平仄亦稍有不同但隨筆致所至不必拘定而闕字用仄覺有調耳起句月字有用平者竟有作偶語如五言律者不如此起為妙舞字或用平清字長字或用仄亦皆不妥無字有用仄者縱入聲可代平終是不響至稼軒多用上去字雖或不妨然不可學

鳳凰臺上憶吹簫 九十五字

李清照

香冷金猊句被翻紅浪句起來慵自梳頭詞任寶奩塵滿句日上句

簾鉤生怕離懷別苦句多少事欲說還休句新來瘦非干病句

酒不是悲秋句休休句這回去也句千萬遍陽關句也則難留句

念武陵人遠句烟鎖秦樓句惟有樓前流水句應念我終日凝句

眸凝眸處句從今又添一段新愁句

休休二字查他人不叶然此篇二字定是用韻作此體者自宜依之添字若照前結亦可用仄但不敢擅也

又一體 九十六字

吳元可

更不成愁何曾是醉豆花雨後輕陰似此心情自可多了閒吟秋在西樓西畔秋較淺不似情深夜來月為誰瘦小塵鏡羞臨彈箏舊家伴侶記雁啼秋水下指成陰聽未穩當時自誤又況如今那是柔腸易斷人間事獨此難禁雕籠近數聲別似春禽

似此句比前調任實愈句多一字聽未穩句比念武陵句多二字數聲句比從今句少二字而記雁啼句與千萬遍句平仄亦異或曰彈箏是叶韻非也此調原不必叶況通篇用十二侵開口韻必不搭一庚青也

又一體九十七字

侯寘

浴雪精神倚風情態百端邀勒春還記舊隱溪橋日暮

可平

可平

可反

可平

可反

韻

豆

句

驛路泥乾曾伴先生蕙帳香細細粉瘦瓊閒傷牢落一

可平

可反

句

可平

可平

句

句

夜夢回腸斷家山空教映溪帶月供遊客無情折滿

句

句

句

句

句

句

句

雕鞍便忘了明牕淨几筆研同歡莫向高樓噴笛花似

句

句

句

句

句

句

句

我蓬鬢霜斑都休說今夜倍覺清寒

可反

句

可反

句

前詞似此句六字聽未穩句七字不如此詞為全蓋

記舊隱便忘了兩句前後宜同也一夜夢三字用反

回字用平及夜倍覺三字用反

皆此體定格櫛虛四首皆同

雙瑞蓮 九十五字

趙以夫

千機雲錦裏看並蒂新房駢頭芳蕊清標艷態兩兩翠

裳霞袂似是商量心事倚綠蓋無言相對天蘸水彩舟

過處鴛鴦驚起縹緲漾影搖香想劉阮風流雙仙姝

麗間情未斷猶戀人間歡會莫待西風吹老薦玉醴碧

筒擽醉清露底月照一襟涼思

看並蒂至蘸水與後想劉阮至露底同按此調比
玉漏遲只第二句多一看字清標間情二句平仄顛
倒其餘句字通首皆同應是一體想趙公原以玉漏
遲調詠雙頭瑞蓮或自變其名或後人因題而誤也

不然何長調而相同如此本應合前五漏遲之後終以多一字顛倒四字不敢確信同調故仍另列於此圖譜以倚綠蓋無言為五字句相對天蘸水亦為五字句不僅句法兩差調因隨失而相對二字如何連得天蘸水趙虛齋文理豈至如此乎

夢揚州 九十六字

秦觀

晚雲收正柳塘烟雨初休燕子未歸惻惻輕寒如秋小

闌干外東風軟透繡幃花密香稠江南遠人何處鷓鴣

啼破春愁長記曾陪燕遊酬妙舞清歌麗錦纏頭帶

酒困花十載因誰淹留醉鞭拂面歸來晚望翠樓簾捲

金鈎佳會阻離情正亂頻夢揚州

如此丰度豈非大家傑作乃為僧父讀錯註錯可歎
哉燕子至香稠與後殢酒至金鈎同燕子殢酒俱用
去上妙絕未字困字用去聲是定格蓋上面用去上
下面用平此字非去聲不足以振起況有此去字則
落下輕寒如秋與因誰淹留四箇平聲字方為抑揚
有調不解此義於燕殢未困四字俱註可平寒誰二
字俱註可仄有此夢揚州乎從長記起至金鈎皆追
想當時遊讌之樂為酒所殢為花所困也沈氏及圖
譜以困作為全失意味而沈氏又註云為一作因不
惟平聲失調而下即有因誰之因字豈不一顧邪誰
字嘯餘刻猶不差但註可仄沈氏竟刻甚字註一作
誰圖譜竟作甚字矣此真為訛以傳訛也譜圖俱落
去平字而以透字連上作上三下四句法繡幃句止
有六字亦從未取後段試一較量此則沈氏已註缺

千字誤矣何圖譜於徐氏之嘯餘沈氏之別集不從其是處而偏從其誤處邪

塞垣春 九十六字

周邦彥

暮色分平野潮傍葦岸豆征帆卸烟深極浦句樹藏孤館秋景

如畫漸別離豆氣味難禁也叶更物象供瀟灑句念多才渾衰

減句一懷幽恨難寫叶追念綺牕人天然自風韻閒雅叶竟

夕起相思慢嗟怨遙夜叶又還將兩袖珠淚沈吟向寂寥

寒燈下玉骨為多感瘦來無一把叶

觀千里和詞其四聲無字不同未便臆註只各處所刻千里詞前結俱作短長音如寫比此少一字愚謂

必無此體方上句云聽黃鸝啼紅樹則此句必於短
長音下落一韻字或調字耳人不可但見詞統詞綜
等所載而誤認有此五字句格也兩袖珠淚方和云
堆滿襟袖而自汲古刻及統綜等書皆倒作滿堆不
知此二字不可用仄平說見後註譜圖以暮傍輩景
漸韻謾恁向為俱作可平秋多衰遠俱作可仄更將
又還將兩袖珠六字翻作平
仄仄平平仄不知出於何典

又一體九十八字

吳文英

漏瑟侵瓊^韻莞潤鼓借烘爐^叶暝藏鈎怯冷畫難臨曉鄰語

鶯轉^叶帶綠^豆牕細咒浮梅^叶酸換密炬^句花心短夢^叶驚回林鴉

起曲屏春事天遠^叶迎路柳絲裙看爭拜東風盈灞橋

岸^叶髻落實釵寒恨花勝遲燕^叶漸街簾影轉還似新年過^句

郵亭^五

一相見

^叶

南陌又燈火

^句

繡囊塵香淺

^叶

前詞^{作平}天然自句七字此看爭拜句九字則當於風字
斷句未審是否或有訛字不可知也漸街簾至相見
十五字照前周詞及方和俱上句七字下句八字此
詞平仄雖與周無異而分句不得不於轉字年字住
亭字為畧豆想平仄字數不差其斷句可不拘也觀
此影轉二字可知方詞堆滿必不可作滿堆或曰譜
圖於前詞註又還將作九字向寂寥作六字則與此
彷彿君何於此互異余曰千里和周云念征塵堆滿
襟袖那堪更獨遊花陰下則自當於襟袖分句不可
以念征塵堆滿為一句襟袖那堪為一句更獨遊花
陰下為一句也是周詞讀法必當依前所註而不可
與吳詞同矣香字周用一字方用滿字或曰可通用

或曰堆滿可作平俱未可知然方詞上已用滿字不宜重出恐本是盈字如此則此字必以用平為是既有吳詞可據作者自宜用平蓋此詞韻脚上一字通篇皆平此處亦必平字或仍用上聲入聲斷不可用去聲也客曰囊塵香三平拗余曰其上郵亭一相之一字周詞寂寥寒燈之寂字方詞獨遊花陰之獨字互玩之皆以入作平是上句已疊用四平下句疊三平何足為異必其調之音響如此耳

倦尋芳

九十六字

王雱

露晞向曉

句

簾幙風輕

句

小院閒晝

韻

翠逕驚來

句

驚下亂紅

鋪

繡倚危欄

句

登高榭

句

海棠著雨

韻

胭脂透

句

算韶華又因循

過

了清明時候

句

倦遊燕

豆

風光滿目

句

好景良辰

句

誰共攜手

句

恨被榆錢買斷兩眉長鬪憶得高陽人散後落花流水

可平

可平

可仄

仍依舊這情懷對東風盡成消瘦

叶

句

句

叶

首句用去平去上各家皆同是定格院共二字亦定
用仄聲得去聲更佳古詞無不同者不可受誤於譜
圖也餘諸去聲字皆當學之必如此
然後為倦尋芳耳後字不必叶韻

又一體

九十七字
或加慢字

潘元質

獸銀半掩鴛甃無塵庭院瀟灑樹色沈沈春盡燕嬌鶯

句

句

句

句

姹夢草池塘青漸滿海棠軒檻紅相亞聽簫聲記秦樓

叶

句

叶

句

夜約彩鸞齊跨漸迤邐更催銀箭何處貪歡猶繫驄

句

叶

句

句

句

馬旋剪燈花句兩點翠眉誰畫叶香滅羞回空帳裏句月高猶

在重簾下恨疎狂待歸來碎揉花打叶

夢草二句七字與香滅二句相對如滿江紅中語比
前倚危欄二句不同按盧申之一首前起句用香

泥壘燕第三句用春晴寒淺記秦樓句用記實帳歌
慵猶繫句用牡丹開遍待歸來用但鎮日俱與此不

合因其句字同且不足取法故不錄又查夢窗三首
篇篇用字精當無疵俱與此相合只一首於第三句

作空閒孤燕閑字當是閑字之訛蓋此句即與後第
三句同其後云衫袖溼徧袖字既用去聲則知其閑

字必無用平之理夢窗非率筆者流其為誤刻無疑
況上句塵鏡迷樓則是用燕子樓事尤可信為閑字

詞統亦照舊刻錄之未及深辨人不可貪用平聲而
以此藉口也圖譜既收王詞為倦尋芳又收潘詞

為倦尋芳慢蓋前則以算韶華作八字此則分一三一五前則以倦遊燕作七字此則分一三一四前則以這情懷作六字此則分一三一七故列兩體其意見真獨出矣

雙雙燕 九十六字

吳文英

小桃謝後句雙雙燕飛來句幾家庭戶輕烟曉暝句湘水暮雲

遙度簾外餘香未捲句共斜入紅樓深處句相將占得雕梁

似約韶光留住句堪舉翩翩翠羽句楊柳岸泥香半知梅

雨落花風軟句戲逐亂紅飛舞多少呢喃意緒盡日向流

鶯分訴還過短牆誰會萬千言語

捲字照後段緒字及後史詞宜用韻 按史詞於還
過短牆句六字與前段同此只四字另為一體或謂
恐是落去二字然玩此句似亦無字可添詞體
常有後結比前較少者或另有此體故收之

又一體 九十八字

史達祖

過春社了度簾幙中間去年塵冷差池欲往試入舊巢

相並還相雕梁藻井又軟語商量不定飄然快拂花稍

翠尾分開紅影芳徑芹泥雨潤愛貼地爭飛競誇輕

俊紅樓歸晚看足柳昏花暝應是棲香正穩便忘了天

涯芳信愁損翠黛雙蛾日日畫欄獨凭

愛字以下同前通首平仄除前吳詞所註數字外俱不可游移圖譜從第一字改起可笑蓋此調所用仄平仄仄與仄平平仄平平仄平平仄似可相混不知皆有分別如首句必仄平仄仄而第三字必以去聲為妙其下去年舊巢競誇柳昏畫欄等句必仄平平仄雕梁芹泥棲香等句必平平仄仄商量分開天涯等句必平平仄仄試以後段較前段更以此詞較彼詞則古人名作無不整齊明白若指掌列眉一定不易所謂律也豈可一槩抹却亂註亂填乎且凡詞篇中必有語氣段落如還相二語乃上呼下應還字與下又字相照應是二語亦然正字與下便字相照此語氣也而段落因之試入句束住上語飄然句另起下意後段亦然自不可以還相句截連於上又軟語句截連於下此段落也而音響因之藻井用去上藻字去聲一縱則不定須用平去不字平聲一收此音響也凡此皆至理所存各詞皆有其義作者但

取名篇細玩熟吟必得其解慎勿貪便而以妄譜為據致來識者之譏也偶註此調不覺饒舌覽者亮焉

黃鶯兒

九十六字

柳永

園林靜晝誰為主

韻

暖律潛催幽谷暄和黃鸝翩翩乍遷

芳樹觀露濕縷金衣

句

葉映如簧語曉來枝上綿蠻似把

芳心

豆

深意低訴

叶

無據

叶

乍出暖烟來

句

又起遊蜂去恣狂

蹤跡

豆

兩兩相呼

句

終朝霧吟風舞

叶

當上苑柳濃時別館花

深處

叶

此際海燕偏饒

句

都把韶光與

叶

向讀此詞於暖律下難以句豆嘯餘彊分和平字住為八字句黃鸝以下為八字句心嘗疑之無可考証後

讀晁無咎詞亦有此調方喜得以校正矣而晁詞此
數句比柳更多一字尤難分斷其首句七字用韻起
與柳同其下云兩兩三三修篁新筍出初齊猗猗過
牆侵戶共十七字再四紉繹不得其理既而悟曰此
晁詞誤多一出字耳蓋柳第二句是暖律潛吹幽谷
六字用鄒衍事吹字誤催其谷字乃以入聲叶首句
主字韻中州韻云谷叶古是也晁詞修篁筍字乃是
竹字之訛其詞首句暑字亦是魚虞韻故以竹字叶
中州韻云竹叶主是也柳詞暄和黃鸝是四字句翻
翻乍遷芳樹是六字句和字去聲謂當春暄鶯聲相
和而鳴或是暄字之誤晁詞新筍初齊四字句猗猗
過牆侵戶六字句蓋竹至過牆不宜言新出但言新
筍為是如此則兩詞皆字字相合而於文理條貫無
贅牙矣蓋暄和至綿蠻與後兩兩至偏饒俱相同也
雨乍字露葉似意又迥恣霧上別此諸仄字兩詞如
一不可照譜用平幽黃鸝觀枝蹤終風當諸平字不

可照譜

用仄

步月 九十六字

史達祖

剪柳章臺句問梅東閣醉中攜手初歸韻逗香簾下璀璨縷

金衣正依約冰絲射眼更往苒蟾玉西飛輕塵外雙鴛

細蹙誰賦洛濱妃霏霏紅霧繞步搖共鬢影吹入花

園管絃將散入靜燭龍稀泥私語香櫻乍破怕夜寒羅

襪先知歸來也相偎未肯入重幃

按此調與滿庭芳相似但正依約句泥私語句俱多一字步搖句亦多一字末句相偎下少二字耳然其

體格自是不同中間兩七字句即如滿湘夜雨中二語自相對偶與滿庭芳之上句六字下句七字者判然不同管絃二句雖亦是九字却與前段逗香二句一樣句法乃前後比合者與滿庭芳之上句五字下句四字者亦判然不同至末句少字不必言矣故不彊扭作滿庭芳也或曰子於他調有一二字參差者往往合而為一獨於此歧而別之何也余曰詞有聲響如此篇聲響自各異耳及閱施仲山梅川詞亦有此調用入聲叶者比史詞少二字其聲響更別愈知與滿庭芳逕庭矣今錄於右

又一體九十四字

施岳

玉宇薰風寶堦明月翠叢萬點晴雪煉霜不就散廣寒

霏屑采珠蓓綠萼露滋噴銀豔小蓮冰潔花魂在纖指

嫩痕素英重結叶 枝頭香未絕叶 還是過中秋句 丹桂時節叶

醉香冷境句 怕翻成消歇叶 玩芳味豆 春焙旋薰句 貯穠韻水沈豆

頻熬堪憐處句 輸與夜涼睡蝶叶

用入聲叶其句法與前詞稍異處則散廣寒句怕翻成句是一字領句者後起二字不叶韻還是句平仄相反兩結各少一字耳 按前詞尾句或謂相偎下必落相倚二字蓋欲增入以合滿庭芳也不知滿庭芳此句應於第三字仄聲梅溪精審絕倫必不用相倚相字至於此輸與句則與滿庭芳之尾一四字一五字者相去河漢豈得謂之合調乎況前結不惟上四字句平仄不同素英句四字與滿庭芳之五字聲響全別不可添一字而相合尤為明証矣 又按此體九十四字字數較少於前然梅溪詞家標準用平

自為正體施詞
另格故載後云

漢宮春 九十六字

吳文英

花姥來時帶天香句國艷羞掩名姝韻日長半嬌半困宿酒句

微蘇沈香檻北比人間句風異烟殊春恨重盤雲墜髻碧句

花翻吐瓊盃叶洛苑舊移仙譜向吳娃深館曾奉君娛叶

猩唇露紅未洗客鬢霜鋪蘭詞沁壁過西園重載雙壺叶

休謾道花扶人醉醉花却要人扶叶

後段起句換頭餘同賦此調者甚衆此篇用字穩妥
可為程式日長二句與猩唇二句本上六下四而稼

軒用無端風雨未肯收盡餘寒乃上四下六且風雨二字平仄亦異余謂雖此句十字貫下或可不拘然歷觀諸家皆用此篇之體即稼軒此首後段亦云聞時又來鏡裏轉變朱顏矣更有作長把清明夜雨者尤不可從此平平仄平仄仄則為中正之理也後段起句亦有用平平仄平平仄者不拘檻沁二字以仄為妙比人間過西園兩處有作仄平仄有作仄仄平皆不拘凡詞調於此等七字句往往互異然此調似用仄平平為響知音者審之至春恨重春字自當用平有作仄者不可學也墜字是仄入字亦宜仄此則古人用平者亦多然求無瑕之璧其亦以用仄為全美乎又前後首句有起韻者如惜香講柳談花從前萬事堪誇是又一體因字同不錄附記於此若放翁後起用無事又作南來又非叶韻乃用平聲斷句他無同者恐不可從

又一體 九十六字

康與之

雲海沈沈峭寒收建章雪殘鵲華燈照夜萬井禁城

行樂春隨鬢影映參差柳絲梅萼丹禁香鼇峯對聳三

山上通寥廓春衫繡羅香薄步金蓮影下三千綽約

冰輪桂滿皓色冷侵樓閣霓裳帝樂奏昇平天風吹落

留鳳輦通宵宴賞莫放漏聲閒却

用仄韻兩結平仄稍異所用峭照鬢映禁對上繡步
桂帝奏鳳宴漏諸去聲宜學帝樂二字偶合非叶韻
觀前段影字可知第一字肅餘作雪字誤下有雪殘
也按春隨鬢影與霓裳帝樂乃四字句其下七字

上三下四於差字平字為豆而萼字落字為叶也其
下又七字亦上三下四於香字輦字為豆而聳字賞
字為句也結句皆六字前後相對明明白白且此體
雖仄韻而句字與用平一樣甚為顯而易見乃圖譜
將映參差與奏昇平分屬上句誤矣猶未足奇也竟
以丹禁至三山作九字末作四字而後段之尾則又
作一七一六何所見而云然乎又以禁字聳字註可
平奇甚更可笑者嘯餘不識丹禁香讀斷竟將香字
讀作香字遂刻作丹禁香釐
不知釐有何香臭真足捧腹

陽臺路 九十六字

柳永

楚天晚韻墜冷風敗葉疎紅零亂叶冒征塵匹馬區區句愁見

水遙山遠叶追念年時句正恁鳳幃倚香偎暖叶嬉遊慣又豈

知前歡雲雨分散句 此際空勞回首望帝里難收淚眼叶

暮烟衰草算暗鎖路歧無限叶 今宵又依前寄宿甚處葦

村山館寒燈半夜厭厭憑何消遣叶

此篇婉順可從平仄宜悉遵之幸譜圖失
收尚留得本來面目未被雕鏤塗抹也

採明珠九十六字

杜安世

雨乍收小院塵消雲淡天高露冷詞 坐看月華生射玉樓

清瑩蟋蟀鳴金井下簾幃悄悄空階敗葉墜風惹動閒

愁千端萬緒難整叶 秋夜永涼天迥可不念光景嗟薄命叶

倏忽少年忍教孤冷燈閃紅牕影步回廊嬾入香閨暗
落珠滿面誰人知我為伊成病

他無作者莫可校勘姑註其句豆如右然或有訛落
非確然也其中確然者惟蟋蟀句至空階與後燈閃
句至香閨可以無疑珠字上必有淚字孤冷
冷字不宜犯重恐是另字景字亦未必是叶

慶清朝

九十七字
或加慢字

史達祖

墜絮孳萍狂鞭孕竹偷移紅紫池亭餘花未落似供殘

蝶經營賦得送春詩了夏帷攢斷綠陰成桑麻外乳鴉

穉燕別樣芳情荀令舊香易冷歎俊遊疎懶枉是銷

凝塵侵謝屐句幽徑斑駁苔生叶便覺寸心尚老故人前度可平

謾丁寧空相悞句被蘭曲水挑菜東城叶

餘花下與後塵侵下同此詞是此調正體穩順可從
王碧山詞亦與此合較後載王通叟所作易填也
細玩各家詞於未送乳穉舊易後謝寸尚被曲等字
皆宜用及此篇詩字恐是句字此乃起調處不可謂
古人之拙而
愚見之迂也

又一體 九十七字

王觀

調雨為酥催冰做水東君分付春還何人便將輕煖點句

破殘寒結伴踏青去好平頭鞋子小雙鸞烟郊外望中句

秀色句如有無間叶 晴則箇句陰則箇句餽句得天氣句有許多

般叶須教撩花撥柳句爭要先看叶不道吳綾繡襪句香泥斜沁

幾行斑東風巧盡收翠綠吹上眉山叶

何人二句與須教二句上六下四與前詞異後起兩句亦異故雖字同另錄之然亦因其詞佳也晴則箇二句雖各三字然與前調六字一句者平仄恰合故妙餽釘二句用流走活字巧合音律故譜圖疑之不敢註斷作九字句此無足怪所怪者此調自何人下即前後相同如何將結伴句分作五字而以好字連下平頭句作八字乎豈後段可讀不道吳綾繡為句而下可作襪香泥乎以較前詞可讀了夏帷老故人乎

綠蓋舞風輕

九十七字

周密

玉立照新粧

句

翠蓋亭亭

句

凌波步

秋漪

真色生

香明

璫搖

搖

淡月舞袖

斜倚

耿耿芳心

奈千縷

晴絲

縈繫

恨開

遲不

嫁東風

翠怨嬌

花底謾卜幽期

素手採珠

房粉艷

初洗雨

溼鉛腮

碧雲深

暗聚軟綃

清淚訪

藕尋蓮

楚江

遠相思

誰寄棹歌

回衣露滿

身花氣

袖字怨字

艷字去聲

不可依圖

譜作平

而凌波步

謂可用仄

平尤無理

按漪字

平聲想草窗偶作仄

用亦誤也

不然則

是綺字之誤耳

是綺字之誤耳

是綺字之誤耳

是綺字之誤耳

是綺字之誤耳

是綺字之誤耳

是綺字之誤耳

是綺字之誤耳

是綺字之誤耳

玉京謠 九十七字

吳文英

蝶夢迷清曉句萬里無家歲晚貂裘敝詞載取琴書長安閒

看桃李爛繡錦入海花場任客燕飄零誰計春風裏香

泥九陌文梁孤壘可平微吟怕有詩聲翳鏡慵看但小樓

獨倚金屋千嬌從他鵲煖秋被蕙帳移烟雨孤山待對

影落梅清泚豆終不似江上翠微流水可仄

作平載取至春風裏與後段金屋至終不似同按此詞
結句亦似玉京秋或謂即是一調但他句不合且陳
隨隱謾錄云先君號藏一夢窗吳先生為度鼻則商
犯無射宮製玉京謠一篇相贈則此調創於夢窗與

玉京秋無涉故不敢連載於前也

西子妝

九十七字
或加慢字

吳文英

流水

麴塵可反

艷陽酷

酒畫舸

遊情如霧

笑拈芳草

不知名

可反

乍凌波

斷橋西

垂楊謾舞

總不解

將春繫

住燕歸來

可反

問綵繩

纖手如今何許

歡盟誤

一箭流光

又起寒食

可反

去不堪

衰鬢著飛花

傍綠陰

冷烟深

樹玄都秀

句

記前

可反

度劉郎

曾賦最傷心

一片孤山細雨

可反

謾字秀字俱要去聲張叔夏作于謾舞用寸碧二字其詞是意字起韻碧字乃以入聲為叶者故知入聲

不但可作平兼可作上聲而叶韻矣中州音韻原以
碧叶比也細雨去上煞妙甚張亦用萬里若作平仄
或上上或去去便落調矣凡詞結尾字皆不宜草草
亂填可於此類推換頭起句叔夏用外字或謂可以
不叶余云詞中多以外字叶支微韻作者自當用韻
為是況叔夏原註效夢窗自度而作無不同之理也
酷酒酷字無理汲古刻本集及圖譜詞
綜等書皆相沿誤刻余謂是酷字之訛耳

被花惱


九十七字

楊 纘

疎疎宿雨釀輕寒韻簾幙靜垂清曉韻寶鴨微溫睡烟少韻簷
聲不動韻春禽對語韻夢怯頻驚韻覺歌珀枕倚銀牀半韻牕花
影明東照韻惆悵夜來風生韻怕嬌香混瑤草韻披衣便起韻

小徑迴廊處處都行到正千紅萬紫競芳妍又還似年
時被花惱^叶驀忽地省得而今雙鬢老^叶

此楊守齋自度腔也以詞中語名題亦因山谷水仙詩坐對真成被花惱故取其三字耳



詞律卷十四

欽定四庫全書

集部
詞律卷十五

詳校官檢討_臣羅國俊

侍讀_臣孫球覆勘

覆校官中書_臣汪學金

校對官中書_臣葉葵

謄錄貢生_臣李幽園

謄錄監生_臣龔果

欽定四庫全書

詞律卷十五

宜興萬樹撰

玉簫涼

九十七字

史達祖

秋是愁鄉細自錦瑟斷絃句有淚如江叶平生花裏活句奈舊夢

難忘叶藍橋雲樹正綠句料抱月幾夜眠香河漢阻句但鳳音

傳恨欄影敲涼叶新妝蓮嬌試曉梅瘦破春句因甚却扇

臨牕紅巾銜翠翼句早弱水茫茫叶柔指各自未剪問此去豆

莫負王昌芳信準句更敢尋紅杏西廂叶

平生至漢阻與後紅巾至信準同指各二字照前橋
雲二字宜用平聲想皆借用耳若認是用仄填入去
聲字便拗矣平生二句同是五字但上句平生二字
連與五言詩句同下則奈字領句而舊夢二字相連
不可比而同之也
紅巾二句亦然

月邊嬌句九十七字

周密

疎雨烘晴早柳盼嬌句嚙蘭芽愁醒九街月淡句千山夜煖句

十里寶光花影塵凝步襪送艷笑句爭誇清俊句笙簫迫曉句

翠幙捲天香宮粉句少年顧曲疎狂絮花縱跡夜蛾心句

性戲叢園錦燈簾轉玉擦却舞勾歌引前歡謾省又輦
路東風吹鬢醺醺倚醉任夜深春冷

九街至迫曉與後戲叢至倚醉
同省字照前襪字不必叶韻

暗香

九十七字
又名紅情

吳文英

縣花誰葺記滿庭燕麥朱扉斜闔妙手作新公館青紅

曉雲溼天際疎星起馬畫簾隙冰絃三疊盡換却吳水

吳烟桃李靚春靨風急送帆樂正雁水夜清卧虹平

帖輦紅路接塗粉闌深早催入懷暖天香宴果花隊簇

輕軒銀蠟叶便問訊湖上柳兩堤翠叶匝

公館至換却與後塗粉至問訊同此調惟堯章創之
君待填之耳觀其步趨原曲如此謹嚴所謂斷髭踏
醋令人有擊鉢揮毫之懼姜詞首句第三字是月字
譜俱作仄觀此誰字則知可用平吳水姜作竹外可
知竹字可平送帆樂姜作正寂寂可知第二箇寂字
作平卧虹姜作夜雪可知雪字作平有此一闕姜遂
不孤矣至圖譜所註於作字靚字送字夜字輓字問
字兩字俱作可平而花隊簇輕軒五字謂可用仄平
平仄仄則其見太廣其說太玄非愚之淺鄙所識矣
按詞調有紅情綠意二體向原疑為巧立名色近
校之即暗香疎影二
詞也詳見疎影調下

夜合花九十七字

晁補之

百紫千紅句占春多少句共推絕世花王韻西都萬家俱好句不

為姚黃叶謾腸斷巫陽叶對沈香亭北新粧叶記清平調詞成句

進句了一夢仙鄉叶天葩秀出無雙叶倚朝暉半如酣酒成豆

狂叶無言自有檀心句一點偷芳念往事叶情傷又新艷豆曾說可平

滁陽縱歸來晚句君王殿後別是風光叶

西都下與無言下同但西都句六字無言句四字稍
異然此十字句分豆可上可下而他家則俱用上四
下六
耳

又一體一百字

周密

月地無塵珠宮不夜翠籠誰煉鉛霜南州路杳仙子誤

入唐昌零露滴溼微粧逗清芬蝶夢空忙梨花雲暖梅

花雪冷應妒秋芳虛庭夜氣方涼曾記幽叢採玉素

手相將青蕤嫩萼指痕猶映瑤房風透幙月侵牀記夢

回粉艷爭香枕屏金絡釵梁絳縷都是思量

作者多用此體南州下與後青蕤下同零露滴二句風透幙二句各三字與前謾腸斷念往事句五字異

按梨花句枕屏句他家多於中二字相連如前晁詞清平二字歸來二字史用共淒涼處向銷凝裏吳

用共追遊處高用隔花陰淺想體當如此按夢窗一首於曾記句作以西湖燕去五字查各家俱六字

故不另收附記於此梅溪抑鎖鶯魂一首於逗清芬
三字原作早窺春而譜圖相沿俱誤刻早去窺春遂
謂此句八字蓋未審其後段之是當初三字及將他
家詞相校故竟作一百一字調耳路嫩二字妙在去
聲註作可平
全然沒味矣

醉蓬萊九十七字

呂渭老

任落梅鋪綴雁齒斜橋裙腰芳草閒伴遊絲過曉園庭

沼廝近清明雨晴風軟稱少年尋討碧縷牆頭紅雲水

面柳堤花鳥誰信而今怕愁憎酒對著花枝自疎歌

笑鶯語丁寧問甚時重到夢筆題詩帋綾封淚向鳳簫

入道叶處處傷懷句年年可平遠念惜春人老叶

對著下與前雁齒下俱同任過稱問向諸字定用仄聲且須去聲方妙歷覽古人作者無不如此蓋此一字領句必去聲方喚得起下面也此亦易明之理況舊詞篇篇可証而譜俱註可平一字之訛便失一調之體豈得如此率意乎而庭花憎人等字翻註可仄且將過曉園句不註叶韻嘯餘既誤圖譜再誤必欲去此一韻矣此調凡五字句者皆一字領下四字不可上二下三作五言詩句法查楊无咎作有用況是當佳致歲歲稱眉壽者竟與念奴嬌中三語同此乃其誤處不可從也夢窗首句作碧天書信斷雖或第一句可通用然亦是敗筆後起四句每句四字係定格坡公作此會應須爛醉仍把紫菊茱萸細看重嗅上二句六字下一句四字而醉字又用去聲定難協律亦不可從又晁无咎於稱少年句作與花爭艷乃

落去一字非有此體晴字坡作飲綾字坡作我抑作
輦上可借作平不得用去聲 聖求此詞汲古刻本
於懷字作 念字
上又多一 誤

燕春臺 九十七字

張先

麗日千門紫烟雙闕瓊林又報春回殿角風微當時去

燕還來五侯池館屏開探芳菲走馬重簾人語轉轉車

憶遠近輕雷 雕觴霞滌翠幙雲飛楚腰舞柳宮面粧

梅金猊夜煖羅衣暗裏香煤洞府人歸笙歌院落燈火

樓臺下蓬萊猶有花上月清影徘徊

此詞疑有訛脫惜無他篇可証愚謂探芳句下或尚有叶韻語蓋走馬句與重簾人語詞意不連也或謂微字飛字歸字亦是叶韻詞中微灰原通用未知是否按嘯餘譜於春字題內收燕臺春又於宮室題內收燕春臺將下二字顛倒遂收兩調又兩處所載俱即張子野此篇豈不貽笑千古當日欲作譜示人寧竟未一考邪又於燕春臺內少却院落二字至所註之可平可仄兩處互異又不必言矣真奇絕奇絕此調沈氏作燕春臺圖譜作燕臺春若作燕春臺則燕字當作燕會之燕若作燕臺春則是黃金臺事當作幽燕之燕但舊草堂所載是燕春臺合當從之也又按夏初臨一調與此相同即載此後以便考訂

夏初臨 九十七字

洪咨夔

鐵甕栽荷可仄銅彝種菊可平膽瓶萱草榴花庭戶深沈可平畫圖低

映牕紗數枝奇石谿訝染宣和瑞露明霞於菟長嘯風

林口口霜草先斜可仄雪絲香裏冰粉光中興來進酒睡

起分茶輕雷急雨銀篁迸插簷牙涼入琵琶枕幃開又

送蟾華問生涯山林朝市取次人家

此詞缺二字照後結應是平仄按此調與燕春臺聲響句法俱同只添宣和句上三下四與前探芳菲
下不同余反覆玩之而斷其為一調何也蓋前探芳菲
菲下原有闕文今以此相較是走馬之下當有二字
落去竊恐是歸來二字也其詞意謂五侯之家同諸
閨人出遊至暮則探芳菲者走馬而歸來矣其閨人

則在車上簾中將到第宅故簾中有語而其時宅中迎候故池館屏開耳後段則言歸後重整筵宴歌舞之景故用夜字燈字月字也若上無歸來二字則接不下矣笙歌句必上落一字而下誤多院落落二字是因笙歌歸院落燈火下樓臺二句成語而誤窩耳此句即同前探芳菲句亦宜上三下四蓋探芳菲即洪詞之添宣和七字口笙歌即洪詞之枕帷開七字前後相同也查草堂舊刻止笙歌燈火樓臺六字是雖缺上一字而原無院落二字汲古所刻亦同愈可徵余說之不謬自嘯餘收作兩調於燕春臺內作笙歌燈火樓臺六字燕春臺內作笙歌院落燈火樓臺八字於是沈氏刻仍其八字反註云一本缺院落二字而圖譜則竟作八字矣豈不謬歟猶有花上月亦誤多一字此即洪詞之山林朝市也玩其節奏豈不昭合乎是則前洞府入歸句果是叶韻正與涼入琵琶合矣蓋他處猶可謂偶同若換頭處四字四句斷無

兩調而如此相符者愚見如此然以五六百年後尚論而獨創異說其能免於時俗之駭怪乎

又一體 九十八字

劉涇

泛水新荷舞風輕燕園林夏日初長庭樹陰濃雛鶯學

弄新簧小橋飛蓋入橫塘跨青蘋綠藻幽香朱欄斜倚

霜紉未搖衣袂先涼歡歌稀遇怨別多同路遙水遠

烟淡梅黃輕衫短帽相攜洞府流觴況有紅粧醉歸來

寶蠟成行拂牙牀紗厨半開月在迴廊

舊刻此詞俱作小橋飛入橫塘沈天羽云飛字下缺蓋字愚謂據此調風範小橋句當以六字為正況有

前洪詞可據但天羽或有所考故收此九十八字體
然作者只從洪平齋可耳此篇霜紉未搖紗厨半
開用平平去平比洪詞山林朝市句
用平平平仄者不同想所不拘也

瑤臺第一層

九十七字

張元幹

寶歷祥開飛練上青冥萬里光石城形勝秦淮風景威

可平

句

韻

句

句

可仄

可仄

可仄

鳳來翔臘餘春色早兆釣璜賢佐興王對熙旦正格天

可平

叶

句

韻

可仄

叶

句

可平

同德全魏分疆煒煌五雲深處化鈞獨運斗魁旁繡

可平

句

句

句

句

可平

裳龍尾千官師表萬事平章景鍾文瑞世醉尚方難老

可仄

句

可仄

句

可平

句

可仄

可仄

可仄

金漿慶垂裳看雲屏間坐象笏堆牀

可平

句

叶

句

句

句

叶

石城至興王與後繡裳至金漿同釣字即同後尚字
圖註可平誤垂裳是用韻其別作亦以觴字叶長光
等字圖失註橫方二字似叶而非觀別作俊用旦字
也按圖譜收其別作臘餘二句云豆花初秀雨散
暑空洗出秋涼亦於雨字斷句正與其後段舊山同
梓里荷月旦久已平章同此正前後相合處如此篇
後段景鍾二句也上五下七甚明何乃後
作上五下七而前則另讀為四字三句邪

長亭怨慢

九十七字
或無慢字

姜夔

漸吹盡枝頭香

加韻

絮是處人家

句

綠深門戶

叶

遠浦縈迴

句

暮帆

零亂向何許

叶

閱人多矣

句

誰得似長亭樹

叶

樹若有情時

句

不

會得青青如此

叶

日暮望高城

句

不見只見亂山

叶

無數

叶

章

郎去也句怎忘得玉環分付叶第一是早早歸來怕紅萼無豆

人為主算只有并刀難剪離愁千縷叶

按此調為白石所創其字句自應守之但前結此字不是韻乃白石借叶者後人不知遂將後起句日暮二字割連前尾如沈氏別集詞統圖譜等書皆連相傳誤加以圈點註其平仄而不知其非也周公謹張叔夏皆南宋人去白石最近其所作長亭怨周詞用處字韻前結云歎轉眼歲華如許後起云凝佇張一首是絕字韻前結云誰為主都成消散後起云淒咽一首是處字韻前結云應笑我飄零如羽後起云同去是端端正正兩箇韻脚豈可硬判日暮二字連上而使此調前結少却一韻乎但有不可曉者第一是句上三下四周乃作燕樓鶴表半飄零與姜不合而張詞則合又誰得似句六字樹若句五字張一作渾

忘了江南舊雨七字不擬重逢四字一作愁千折心
情頓別七字露粉風香四字與姜不合而周詞則合
此二者又不知何以參差如此後人但依姜填之可
耳 校字周張作仄是處是字張作平暮帆暮字周
作平不會只玉第一是早只等字張兩首內或作平
想不拘也又張一首於首句不起韻閱人句周張俱
張一首叶

黃鸝遶碧樹

九十七字

周邦彥

雙闕籠佳氣句寒威日晚歲華將暮詞小院閒庭對寒梅照
雪淡烟凝素叶忍當迅景動無限傷春情緒叶猶賴是上苑
風光漸好芳容將煦叶草莢蘭芽漸吐叶且尋芳更休思

慮這浮世甚驅馳利祿奔競塵土縱有魏珠照乘未買
得流年住爭如剗引榴花醉偎瓊樹

平仄照填 或云上
苑風光漸好為一句

帝臺春

九十七字

李 甲

芳草碧色萋萋遍南陌飛絮亂紅也似知人春愁無力

憶得盈盈拾翠侶共攜賞鳳城寒食到今來海角逢春

天涯行客愁旋釋還似織淚暗拭又偷滴謾遍倚危

欄儘黃昏也只是暮雲凝碧擽則而今已擽了忘則怎

生便忘得叶又還問鱗鴻句試重尋消息叶

宋人作此調者絕少向來譜圖相傳俱首作三字句以碧字起韻色萋萋作一句遍南陌作一句不知後有暮雲凝碧斷無複韻之理況春草碧色乃江文通別賦中語此正用之其為色字起韻無疑詞綜於飛字作暖字也似知人句無似字必有所考但從來舊刻如右故仍之嘯餘所註平仄皆以意為之遍南謂可平仄至忘則怎生便五字逐字反註蓋欲字字改順幾於變盡本來面目矣本譜則不敢也

珍珠簾

九十八字
珍一作真

吳文英

蜜沈爐煖餘烟

韻

裊竚立行人官道

叶

麟帶壓愁香聽舞簫

雲渺恨縷情絲春絮遠

句

悵夢隔銀屏

且

難到寒峭

叶

有東風

垂柳學得腰小

作平

還近綠水清明句歎孤身如燕將花頻

繞叶細雨溼黃昏句半醉歸懷抱叶蠹損歌紈人去久句謾淚沾豆

香蘭如笑書香念客枕幽單看春漸老

可平

麟帶以下前後相同但東風垂柳與客枕幽單平仄異麟帶二句細雨二句雖皆五字但上句是上二下三下句是上一下四不可誤作一樣

又一體 一百一字

張炎

雲深別有深庭宇韻小簾櫳占取芳菲多處叶花暗曲房春

可仄

可仄

可平

可仄可平

可仄

潤幾番酥雨見說蘇堤晴未穩便好趁踏青人去休去

可平

可平作平

且料理琴書句曩猶今古叶

誰見靜裏閒心縱荷衣未葺句

雪巢堪賦叶

醒醉可平

一乾坤句

任此情

如許

茂樹

石牀

同坐

久

句

又却被春風留住叶

欲住

奈簾影

教樓

剪燈

人語

叶

句

可平

比前詞多小簾攏三字

詞家多宗此體

去住二字

即

用上韻此玉田巧筆

非必疊韻也

此詞用料

理琴

可平

書簾影教樓草窗用

鮫人織就

歸時

人在

平仄

相反

而前夢窗詞前用東風

垂柳與周同後用客枕幽單

可平

與張同前後互異想亦不拘然他家俱用草窗體

可從之坐字

竹山作珠字

係誤刻此字

無用

平理

可平

可平

可平

又一體 一百一字

陸游

燈前月下嬉遊處

詞

向笙歌錦繡叢中

相遇

彼此知名

纔

句

可平

可平

見便論心素淺黛嬌蟬風調別最動人時時偷顧歸去

想閒牕深院調絃促柱樂府初翻新譜謾裁紅點翠

閒題金縷燕子入簾時又一番春暮側帽燕脂坡下過

料也記前年崔護休訴待從今須與好花為主

彼此知名四字繞見便論心素六字比前二詞兩句
五字者不同或以為誤渭南又一首亦云掠地穿簾
知是竟歸何處是知另有此體也其後段首句兩字
叶韻次句四字叶韻亦與前六字用平者不同其又
一首亦云自古儒冠多誤圖譜前收珍珠簾後又
收真珠簾不知珍即真本是一調也而後起二字句
亦失註
叶韻

玲瓏玉

九十八字

姚雲文

開歲春遲

句

早贏得一白瀟瀟風牕浙

句

簌夢驚錦帳春嬌

是處貂裘透暖任尊前回舞紅倦柔腰今朝虧陶家茶

鼎寂寥

叶

料得東皇戲劇怕蛾兒街柳先鬪元宵宇宙

低迷倩誰分淺亞深凹休嗟空花無據便真箇瓊雕玉

琢總是虛飄且沈醉起樓頭零片未消

叶

首句或云五字雪舫曰非也蓋因春遲故雨雪耳亞字恐是凸字寂寥未消是定格不可照圖譜作平

揚州慢

九十八字

姜夔

淮左名都竹西佳處解鞍少駐初程過春風十里盡齊

麥青青自吳馬窺江去後廢池喬木猶厭言兵漸黃昏

清角吹寒都在空城杜郎俊賞算如今重到須驚縱

豈蔻詞工青樓夢好難賦深情二十四橋仍在波心蕩

冷月無聲念橋邊紅藥年年知為誰生

查鄭覺齋有此調於淮佳吳喬清吹等字作仄竹十
齊去聲杜俊夢四等字作平又李彭老於漸黃昏二
句作歎而今杜郎還見應付悲春句法平
仄皆有異然此係石帚自度腔從之為妥

月下笛 九十八字

周邦彥

小雨收塵涼蟾瑩水光浮碧誰知怨抑靜倚官橋吹

笛映宮牆風葉亂飛品高調側人未識想開元舊譜柯

亭遺韻盡傳胸臆闌干四遶聽折柳徘徊數聲終拍

寒燈陋館最感平陽孤客夜沈沈雁啼正哀片雲盡卷

清漏滴黯凝魂但覺龍吟萬壑天籟息

水光至未識與後數聲至漏滴同樂字是以入作平
不可泛用反聲字人未識清漏滴定格不可用平平
反并觀其所用品字調字片字及盡卷之盡字皆反
可知此句有定格也怨陋籟三字亦不可平他如靜
映亂最夜正等去聲字皆妙宜玩之館字即前抑字
應叶不叶觀後陶張二詞俱叶可見雖美成如此學

欽定四庫全書

卷十五

者還當用韻為是不然或室宇之記耳圖譜註光誰
橋風寒平可仄水映品側想數夜片卷黯可平我所
解不

又一體

九十八字

曾允元

吹老楊花浮萍點一溪春色閒尋舊迹認溪頭浣紗磧

柔條折盡成輕別向空外瑤簪一擲算無情更苦鶯巢

暗葉啼破幽寂凝立闌干側記露飲東園聯鑣西陌

容消鬢減相逢應是難識東風吹得愁如海謾點漆空

堦自碧獨歸晚解說心中事月下短笛

浮萍點只三字認溪頭浣紗磧兩三字句柔條句上
四下三向空外句上三下四東風二句亦然後起首
句二字次句三字叶韻末句一五一四
以上俱與前不同相逢句平仄亦異

又一體 九十九字

陶宗儀

東閣詩怪西湖夢淺好音難托香銷玉削早孤標頓非

昨阿誰底事頻橫笛不道是江南搖落向空堦閒砌天

寒日暮病鶴輕啄情薄東風惡試快覓飛瓊共翔寥

廓冰魂漠漠誰憐金谷離索有時巧綴雙蛾綠天做就

宮粧綽約待一點脆圓成須信和羹問却

欽定四庫全書

詞譜卷十五

十四

西湖句四字同周詞餘同曾詞
尾句兩三一四與前二體異

又一體 九十九字

張炎

萬里孤雲清遊漸遠故人何處寒牕裏曾記經行舊時

路連昌約畧無多抑第一是難聽夜雨謾驚回悽悄相

看燭影擁衾誰語張緒歸何暮伴冷落依依短橋鷗

鷺天涯倦旅此時心事良苦只愁重灑西州淚問杜曲

人家在否恐翠袖正天寒猶倚梅花那樹

上二詞於第四句四字叶韻而此用寒窗下十字大
異或曰寒窗裏裏字誤必有兩字用韻與前合蓋窗

裏不可云經行路也天涯二句則與前同矣那字去聲妙妙陶南村學宋人者故亦用問字至其搖字不若曾詞一字自字張詞夜字在字兩仄聲矣蓋此二字即周詞未字漏字也

三部樂

九十八字

蘇軾

美人如月

韻

乍見掩暮雲更增妍絕算應無恨安用陰晴

圓缺

叶

嬌甚空只成愁待下牀又嬾未語先咽數日不來

落盡一庭紅藥

叶

今朝置酒彊起問為誰減動一分香

雪何事散花却病

叶

維摩無疾却低眉慘然不答唱金縷

一聲怨切

叶

堪折便折且惜取少年花發

叶

欽定四庫全書

詞律
卷十五

十五

暮字用去各家皆同惟龍川用平應從其多者為是
語字用仄亦是定格堪折便折用平仄仄各家同
數句句各家皆作仄平仄仄抑或另
有此體歟事字各家皆平恐是時字

又一體

九十八字

周邦彥

浮玉飛瓊句向邃館靜軒句倍增清絕詞夜窗垂練句何用交光

明月聞道官閣多梅句趣暗香未遠句凍豔初發句倩誰折取句

特贈情人桃葉叶回紋近傳錦字句道為君瘦損句是人都

說叶祆如染紅著手膠脫黏髮轉思量詞鎮長墮睫都只為叶

情深意切欲報信息無一句堪喻愁結叶

首句不起韻，誰句。此蘇詞數日句異，祇字恐誤。如字用平可從。按千里和詞於間道句云：「奈相送行客將歸多一字，但觀夢窗龍川此句皆作七字，或此周詞偶落一字亦未可知。而前蘇詞亦只六字，故不敢擅定。至方詞於何用句作「天際留殘月，則留字上落一字，是入句作到見時難說多一字，查此句吳詞五字。蘇詞陳詞四字未知誰是想不拘也。」

又一體 十九字

吳文英

江鵝初飛，蕩萬里素雲際空如沐。詠情吟思不在秦箏。

金屋夜潮上，明月蘆花傍釣簑。夢遠句清，敲玉翠罌汲。

曉欵乃一聲秋曲。片蓬障雨，乘風半竿渭水，伴鷺汀。

幽宿^叶那知煖袍扶錦^句低簾籠燭^叶鼓春波載花萬斛^叶帆鬣
轉銀河可掬^叶風定浪息滄茫外天浸寒綠^叶

夜潮上^句伴鷺汀^句各多
一字後起^句用平與前異

雲仙引 九十八字

馮偉壽

紫鳳臺高^句紅鸞鏡裏^句翻翻幾度秋聲^叶黃金重綠雲輕^叶丹
砂鬢邊滴粟翠葉玲瓏烟剪成^叶含笑出簾月香滿袖天
霧縈身^叶年時花下逢迎^叶有遊女翩翩如五雲亂擲芳
英為簪斜亸^句事事關心長向金風一枝在手嗅蕊悲歌

雙黛顰遠臨溪樹對初絃月露下更深

無他作可証學者依其平仄可也聲一作馨烟如
雙等字用平乃詞中起調處勿循圖註可仄之說

芟荷香

九十八字

趙彥端

燕初歸正春陰暗淡客意淒迷玉觴無味晚花雨退凝

脂多情細柳對沈腰渾不勝衣垂別袖忍見離披江南

陌上彊半紅飛樂事從今一夢縱錦囊空在金碗誰

揮舞裙歌扇故應閒瑣幽閨練江詩就算檣舟寧不相

思腸斷莫訴離盃青雲路穩白首心期

正春陰下與後縱錦囊下同但垂別袖句七字腸斷
句六字恐無此理必腸斷下少一仄聲字無疑作者
宜照前
填之

孤鸞

九十八字

馬莊父

沙堤香軟可仄正宿雨初收可平落梅飄滿可平可奈東風暗逐馬蹄

輕捲湖波又還漲綠粉牆陰日融烟暖可平薦地刺桐枝上可仄

有一聲春喚可平任酒帘飛動畫樓晚可平便指數燒燈時節可仄

非遠陌上可平呌聲好是賣花行院可平玉梅對妝雪柳鬧蛾兒可平

象生嬌顫歸去爭先戴取倚寶釵雙燕可平

除兩起句外前後皆同旁註照各家查定畫字朱敦
儒亦用水字時節亦用難寄尤覺發調宜從至正有
任便倚等乃領句虛字喚起下語斷無用平之理譜
圖彙作可平湖波玉梅二句除首一字外平仄定須
如此乃註波可仄又可平漲可平謬甚又漲用平則
全然無調矣又調粉可平蛾可仄同語而異註所不
也解

又一體九十八字

趙以夫

江頭春早問江上寒梅占春多少自照疎星冷祇許春
風到幽香不知甚處但迢迢滿河烟草回首誰家竹外
有一枝斜好記當年曾共花前笑念玉雪襟期有誰

知道喚起羅浮夢正參橫月小淒涼更吹塞管謾相思
鬢華驚老待覓西湖半曲對霜天清曉

自照二句喚起二句俱各五字與前詞異譜於正字
註可平誤祇許句五字應如後段正字領句此不足
法

又一體九十八字

張 槩

荆溪清曉問昨夜南枝幾分春到一點幽芳不待隴頭

音耗亭亭水邊月下勝人間等閒花草此際風流誰似

有嬾窩詩老且向虛簷淡然索笑任雪壓霜欺精神

越好最喜庭除下映紫蘭嬌小孤山好喜舊約況和羹

用功宜早移傍玉階深處起天香繚繞

後段起處二句與前異但恐誤不宜從蓋雲窗別一首原與前趙詞同也一點二句上四下六同馬詞最喜二句各五字同趙詞又與前異按一點二句用一四一六與兩五者似是各體自宜前後相合前兩家可証此篇後段或宜於除字分句便與前同蒼崖曰既有趙詞在不妨即註兩五故從之然作者以照合為安朱敦儒作譜圖俱註前云淡泞新粧淺點壽陽宮額後云試問丹青手是怎生描得前後互異余則斷之曰淡泞新粧淺為一句也

晝夜樂

九十八字

柳永

洞房記得初相遇可平便只合長相聚可平何期小會幽歡變作可平

別離情緒可平況值闌珊春色暮可平對滿目亂花狂絮可平直恐好

風光盡隨伊歸去可平一場寂寞憑誰訴可平算前言總輕負可平

早知恁地難擽悔可平不當初留住可平住其奈風流端正外更別可平

有繫人心處可平一日不思量也攢眉千度可平

前後段同暮字叶外字不叶山谷一首亦然而柳別
作則前後皆叶作者自當皆叶為安色字別作用平
甚拗或誤不必從兩結各五字二句須知上句如五
言詩下句上一下四此二句正如石州慢之結耳

八節長歡 九十八字

毛滂

名滿人間記黃金殿舊賜清閒才高鸚鵡賦風凜惠文

冠濤波何處試蛟鰐到白頭猶守溪山且做龔黃樣度

留與人看桃溪柳曲陰圓離唱斷旌旗却捲春還襦

袴寄餘溫雙石畔唯聞吏膽長寒詩翁去誰細遶屈曲

欄干從今後南來幽夢應隨月渡雲端

溫字宜叶
此借韻耳

逍遙樂九十八字

黃庭堅

春意漸歸芳草故國佳人千里信沈音香雨潤烟光晚

景澄明極目危欄斜照夢當年少對樽前上客鄒枚小
鬢燕趙共舞雪歌塵醉裏談笑花色枝枝爭好鬢絲
年年漸老如今遇風景空瘦損向誰道東君幸賜與天
幕翠遮紅遶休休醉鄉歧路華胥蓬島

只此一闌
平仄宜遵

並蒂芙蓉 九十八字

晁端禮

太液波澄向檻中照影芙蓉對蒂千柄綠荷深並丹臉
爭媚天心眷臨聖日殿宇分明敞嘉瑞弄香嗅蕊願君

王壽與南山齊句

池邊屢回翠輦擁羣仙賞醉憑闌

凝思萼綠攬飛瓊共波上遊戲西風又看露下更結雙

可平

句

叶

平聲

雙新蓮子關粧競美問鴛鴦向誰留意

叶

叶

句

叶

向檻中至嗅蓋與後擁羣仙至競美同但前用散字
及後用新字平想可通用他無可考圖譜乃謂太向
綠臉春殿弄壽與屢共又更關等字可平美同丹天
分君池邊憑西雙鴛等字可及試問據何詞而較定
邪至嗅字本仄而圖作○疑字本平而圖作○何邪
芙蓉同蒂憑闌凝思必平平仄殿字分明更結雙
雙必仄仄平平弄香嗅蓋關粧競美必仄平仄仄何
得信意改竄更怪者千柄綠荷深與後萼綠攬飛瓊
同並丹臉爭媚與後共波上遊戲同皆五字句乃以
千柄綠荷深並為六字一句丹臉嬌媚為四字一句

豈非
異事

繡停針 九十八字

陸游

歎半紀跨萬里秦吳頓覺衰謝詞回首鵷行英俊竝遊咫

尺玉堂金馬氣凌嵩華負壯畧縱橫王霸夢經洛浦梁

園覺來淚流如瀉山林定去也却自恐說著少年時

話靜院焚香閒倚素屏句今古總成虛假叶趣時婚嫁幸自

有湖邊茅舍燕歸應笑客中又還過社叶

後段定去也用去去上即與首句歎半紀同次句說
著二字作平與前次句秦吳二字亦同前第三句覺

字作平與後少年句同是換頭只多山林
二字耳過字讀作平並素二字必用去聲

二郎神

九十八字

呂渭老

西池舊約韻燕語柳梢桃萼叶向紫陌秋千影下句同縮雙雙

鳳索過了叶鶯花休則問句風共月豆一時間却知誰去句喚秋

陰滿眼敗紅藥叶飄泊江湖載酒十年行樂叶甚近日傷

高念遠不覺風前淚落叶橘熟橙黃堪一醉句斷未負晚涼

池閣只愁被豆撩撥春心煩惱句怎生安著叶

向紫陌至閒却與後段甚近日至池閣同藥字刻本作藥藥字非韻今改正或曰上用秋陰非紅藥時矣

欽定四庫全書

余謂不更有桃萼在前乎桃尚是萼春景可知或曰
後有橘熟橙黃是又何時余笑曰晚涼池閣又是夏
景四時都來極像嶺南風景漢亦難以斷定請公去與呂家那漢理會

又一體一百四字

柳永

炎光謝過暮雨

19

芳塵瀟灑^叶

此

乍露

22

冷風法

子

洞庭古

1

爽天

10

如水

玉鈎遙挂

1

應是

17

星娥

五

左父阻

11

叙舊

11

約

1.2

輪欲

加

焦極目

11

處

乍露冷至欲駕同後運巧思至影下此調與前後體原是各異首句向來傳刻皆三字沈氏謂光字下缺初字蓋欲添入一字以湊成四字句而不知此字不宜作平聲初字之杜撰不辨而自露也且此句必欲彊之使同則後段許多不同處能使之俱同乎古人所謂本無事而自擾之也嘯餘依本集作炎光謝矣而亦欲湊四字竟將下一字補上作炎光謝過其下只作六字句誤失一韻尤為可笑且以露冷風清為四字句庭戶至遙挂為十字句蓋謂與天二字相連故又註與字可平奇極奇極

又一體

一百五字
又名十二郎

湯恢

瑣牕睡起句閒竚豆立海棠花影記翠檝銀塘紅牙金縷杯

泛梨花凍冷可反燕子銜來相思字道玉瘦豆不禁春病應蝶

欽定四庫全書

卷十五

粉半銷鴉雲斜墜暗塵侵鏡還省香痕碧唾春衫都

凝悄一似荼蘼玉肌翠被消得東風喚醒青杏單衣楊

花小扇閒却晚春風景最苦是蝴蝶盈盈弄晚一簾風

靜

此為本調正格作者多從之嘯餘載徐幹臣詞亂註
平仄此篇乃和徐韻者故收之以為証睡字徐用彈
乃去聲是彈弓之彈意謂鵲本報喜之物今乃無憑
準因以丸彈之故曰悶來彈鵲也此字不可作平聲
觀夢窗首句亦作素天際水是也銜來相思徐云愁
端如何譜以其四箇平聲註何字可仄觀夢窗又是
賓鴻重來後來字亦平豈徐湯吳三公皆笨伯不能
作七言詩一句乎又以記翠幘下作九字句鴉雲下

作八字句香痕下作八字句悄一下作九字句最苦
下作九字句而凡用仄處皆可作平人若依之使一
調音響俱索然無味至凍冷喚醒弄晚等去上正同
徐詞壚冷未醒遍倚所以為妙夢窗亦云過艇照影
數點若皆作平仄不成調矣半字亦必仄聲末句或
於盈盈處豆或於弄晚處豆總之語氣相貫可不拘
按夢窗此詞題曰十二郎圖譜不知即此調又續
收之首句便作七字讀次句作四字讀所謂從頭差
起安得不直差到底乎又馬莊父一首記翠幃下
九字止作倩說與年年相挽七字其餘皆同若謂用
前呂詞法則其餘又與呂
不同恐係脫兩字不錄

又一體 一百五字

楊无咎

炎光欲謝句更幾日薰風吹雨韻共說是天公亦嘉神貺句特

作澄清海宇句灌口擒龍句離堆平水休問功超前古句當中

興護我邊陲句重使四方安堵句新府祠庭占得山川佳

處看曉汲雙泉句晚除百病奔走千門萬戶句歲歲生朝勤

勤稱頌可但民無災苦句口口句願得地久天長句協佐皇

都句

灌口以下兩四一六與後歲歲以下同此即前湯詞
後段青杏以下三句句法而前後通用之者也尾句
都字初疑是誤然玩上用佐字則下宜以
平字應之此乃又一平仄互用之體也

陌上花 九十九字

張翥

關山夢裏歸來還又歲華催晚馬影雞聲諳盡倦郵荒

館綠箋密記多情事一看一回腸斷待殷勤寄與舊遊

鶯燕水流雲散滿羅衫是酒香痕凝處唾碧啼紅相

半只恐梅花瘦倚夜寒誰暖不成便沒相逢日重整釵

鸞箏雁但何郎縱有春風詞筆病懷渾嬾

此詞風流婉約在淺深濃淡之間真絕唱也吾安得
起蛻巖於九京而北面事之還又下與後唾碧下同
圖註起處兩六字待殷勤句七字鶯燕連下作六字
更以香字連上酒字作六字痕凝至相半作九字而
又因凝處唾碧四仄乃註凝處二字
云可平是苦苦要將好詞讀壞惜哉

玲瓏四犯 九十九字

周邦彥

穠李天桃句是舊日潘郎句親試春艷韻自別河陽句長負露房

烟臉叶顙頰叶鬢點吳霜句細念想夢魂飛亂叶歎畫闌玉砌都

換叶纔始有緣重見叶夜深偷展香羅叶薦暗牕前醉眠蔥

菁浮花浪叶蓋都相識句誰更曾擡眼休問舊色舊香句但認

取芳心可仄一點叶又片時一陣風雨惡吹分散叶

可仄 作平
細念想句本七字觀歲宗梅溪松山等作皆同而方
千里和此詞正作顧鬢影翠雲零亂其為七字何疑
舊譜去一細字各書多仍其誤故汲古刻片玉詞有
按譜宜是六言無細字之註也各家惟竹屋一首六

字或亦脫落或有此體然謂有此體則可謂周詞六字則不可蓋有千里和詞為証也又片時一陣應是五字各家皆同舊刻於又字上多一奈字不惟失調於文義亦贅至尾句譜圖俱註入片時一陣風雨為七字句惡吹分散為四字句句今考方詞是仗夢魂一到花月底休飄散是知上句五字於陣字分斷下以風雨惡為一句吹分散為一句方詞上句於到字佳下以花月底為一句休飄散為一句耳又查草窗結云倚畫闌無語春恨遠頻回首更可以為據向來原有所疑考至此不覺興然又思人之所以誤讀者乃因玲瓏四犯又另有四字煞尾一體故人欲彊而同之遂致誤耳但覽後載史詞可知其分別較然矣譜於五字句謂可用平平平仄仄下句可用仄仄平平平仄惡字竟作可平豈不大謬

又一體

九十九字

吳文英

波暖塵香正嫩日輕陰搖蕩清晝幾日新晴初展綺牕

紋繡年少忍負才華儘占斷艷歌芳酒奈翠簾蜨舞蜂

喧催起禁烟時候杏腮紅透梅鈿皺燕歸時海棠廝

勾尋芳較晚東風約還約劉郎歸後憑問柳陌情人比

似垂楊誰瘦倚畫闌無語春恨遠頻回首

前詞玉砌都換換字是韻千里亦和之此篇喧字用
平不叶徽宗用翔字竹屋用情字亦然還約句比前
誰更句多一字比似句
比前但認句少一字

又一體 一百一字

史達祖

雨入愁邊翠樹晚無人風葉如剪竹尾通涼却怕小簾

低捲孤坐便怯詩慳念後賞舊曾題遍更暗塵偷鎖鸞

影心事屢羞團扇賣花門館生秋草悵弓彎幾時重

見前歡盡屬風流夢天共朱樓遠聞道秀骨病多難自

任從來恩怨料也和前度金籠鸚鵡說人情淺

影字仄草字不叶韻與前二詞異幾時重見高竹屋
作怨恨誰訴恨字亦用去聲與前第三句同想亦有
此體可從因餘同不錄又按史別作於聞道二句
云方悔翠袖易分難聚有玉香花笑論語氣則當於
聚字斷句論調格則當於分字句有字豆或謂另一
體非也蓋此二句一氣貫串故梅溪巧筆作此借渡

句法本體定當上六下七與前孤坐二句相同勿謂有史詞可倚而作兩四一五也

又一體 九十九字

姜夔

疊鼓夜寒垂燈春淺勿勿時事如許倦遊歡意少俛仰

悲今古江淹又吟恨賦記當時送君南浦萬里乾坤百

年身世惟有此情苦揚州柳垂官路有輕盈換馬端

正窺戶酒醒明月下夢逐潮聲去文章信美知何用謾

贏得天涯羈旅教說與春來要尋花伴侶

此與前各體不同乃別是一調故雖九十九字另列於百一字之後 倦遊至南浦與後酒醒至羈旅同

只江淹句六字
文章句七字耳

燕山亭 九十九字

曾覲

玉立明光才業冠倫可平漢歷方承休運韻江左奏功塞壘宣

威紫綬幾垂金印可平歲晚歸來望丹極可平新清氛稷忠憤著可平

撓節朋儔便成嘉遯可平千載雲海茫茫可平記舉目新亭壯可平

懷難盡蝴蝶夢驚化鶴飛還可平榮華等閒一瞬可平七十樽前可平

算疇昔都無可恨休問長占取朱顏綠鬢可平

冠奏夢三字俱宜用仄聲且以去為妙是此調定格
觀徽宗用數靚地樵隱用夜錦共海野別作用夜乍

競張伯雨用翠素可見圖譜俱註可平誤江左至忠憤與後蝴蝶至休問同但各家於前紫綬句有用後榮華句法者後則不用紫綬句法也各刻戴薇宗裁剪永綃一首於蝴蝶夢驚句作天遙地遠誤也宜作天遠地遙乃合此即同前段之新樣靚粧句而圖且謂可作仄平平仄相反到底矣余嘗謂紅拂傳奇一江風試語良人道句以平平仄仄平作仄仄平平仄五字皆反令歌者掇折噪子今見圖註此句乃知反古者蓋多耳汲古刻樵隱詞塞疊下二句云密映窺亭亭萬枝開遍乃窺字下脫一字尾句云愁酒醒緋千片亦於緋字上下落一字無此九十七字體也張伯雨第二句作蜩肌粟聚與此調異恐不可以為法按薇宗詞第三句冷淡臙脂句注或作微注本六字詞統落一字止作冷淡臙脂注誤也不可從又此詞本名燕山亭恐是燕國之燕詞匯刻作宴山亭非也

大有 九十九字

周邦彥

仙骨清羸句沈腰憔悴句見旁人驚怪消瘦調柳無言雙眉盡豆

日齊鬪都緣薄倖叶賦情淺許多時不成歡偶叶幸自也總

由他何須負這心口叶令人恨行坐叶咒斷了更思量句沒

心永守前日相逢句又早見伊仍舊却更被溫存叶後都忘

了豆當時僝僽便撈撮豆九百身心依前待有叶

賦字潘希白作聽字圖譜讀作平聲誤又以言都緣
須令思相為可仄日倖坐待為可平俱非前結潘作
十分衛郎清瘦郎字可用平聲却更被溫存後似應
在被字豆而潘詞作彊整帽檐歌則則是六字相連

想亦不拘待有應去上聲潘作雁後
可見九百風魔也金元曲多用之

鳳池吟 九十九字

吳文英

萬丈巍臺碧累句外袞袞野馬遊塵舊文書几閣昏朝韻

醉暮覆雨翻雲忽變清明紫垣敕使下星辰經年事靜句

公門如水帝甸陽春句長年父老相語幾百年見此獨句

駕冰輪又鳳鳴黃幕玉霄平遡鵲錦輕恩事省中書半句

紅梅子薦鹽新歸來晚待慶吟殿閣南薰句

舊文書至星辰與後
段又鳳鳴至鹽新同

紫玉簫

九十九字

晁補之

羅綺叢中笙歌隊裏眼狂初認輕盈無花解可似一鉤可

新月雲際初生算不虛得郎占與第一佳名卿歸去那可

知有人別後牽情可襄王自是春夢休謾說東牆事更可

難憑誰教慕宋要題詩曾倚寶柱低聲似瑤臺曉空暗可

想衆裏飛瓊餘香冷猶在小牕一到魂驚可

無花以下與後
誰教以下同

國香慢

九十九字

周密

玉潤金明詞記曲屏小几剪葉移根經年人重見瘦影

娉婷叶雨帶風襟零落步雲冷鵝管吹春相逢舊京路素

靨塵縑句仙掌霜凝叶國香流落恨正冰綃翠薄誰念遺

簪水空天遠應念簪弟梅兄渺渺魚波望極五十絃愁

滿湘雲淒涼耿無語夢入東風雪盡江清

前後惟起句異餘同經年句上六下四水空句上四下六似乎有異然十字語氣相連作者句法不妨前後一轍也舊京洛耿無語俱用仄平仄勿誤此調惟草窗有之題作藝則商國香慢愚謂藝則商三字乃是宮調非詞名也故刪之

詞律卷十五